

## Framlegg frå SP, Ap, KrF og H:

Styringsgruppa meiner at utkastet fra administrasjonen er eit godt utgangspunkt for det vidare arbeidet. Delmåla som er skisserte er i hovudsak viktige og må videreføres i det vidare arbeidet med planen. Sjå elles kommentarar og merknader knytt til kvart mål i tabell nedanfor.

Styringsgruppa meiner at planen manglar ein del overordna visjoner for kva Alver kommune skal bli. Kva er spesielt med Alver? Kor skal me? Og korleis skal me nå måla? Styringsgruppa er tydeleg på at samfunnsplanen må leggje noen føringar, strategiar, for å peike på korleis vi skal nå dei ulike måla utan at vi vert alt for detaljert.

Styringsgruppa meiner at planen treng fleire hovudmål enn dei to som er foreslått i høringsutkastet, og at hovedmålene må spissesest.

Styringsgruppa meiner også at vi først bør ta utgangspunkt i kor vi vil, før vi seier noko om kor vi er, og deretter får vi kapitlene med hovudmål som seier korleis vi skal kome oss dit vi vil frå der vi er. Vi må ha eit ambisjonskapittel først, som tek for seg den heilt overordna visjonen av kva Alver skal være. Dette målet må være summen av dei andre måla til saman.

## Kva er Alver i 2040:

Vi vil ha ein overordna visjon og eit kapittel som omtalar Alver sitt hovudmål og ambisjon. Dette kapittelet må ta for seg hovudvisjonen og summen av dei andre hovudmåla i planen.

Styringsgruppa ønskjer ein overordnet visjon som tar føre seg:

"Alver kommune skal vera den beste bu- og arbeidskommunen i Vestland, og eit nasjonalt tyngdepunkt for vekst og utvikling innan grøn industri."

## **Hovudmål med tilhørende delmål:**

Styringsgruppa ønskjer at planen har fire hovudmål som får sine kapittel med delmål og hovedstrategiar for korleis me skal nå måla. Styringsgruppa har ikke ferdigformulert korleis desse hovudmåla skal sjå ut, men vil peike på forslag og sentrale tema som hovedmåla må fanga opp:

1.

### **Busetnad i heile kommunen og attraktivt regionsenter**

**Med Knarvik og dei andre sentra som motor for vekst, har Alver i 2040 busetnad over heile kommunen, og eit folketal på kring 40 000.**

2.

### **Generelt om næringslivet – og spesielt om Mongstad**

**«Næringslivet i Alver er innovativt og konkurransedyktig, og i 2040 er Mongstad og Fensfjordbassenget eit nasjonalt tyngdepunkt for grøn industriell næringsutvikling, og tiltrekker seg verksemder, kompetanse, og arbeidskraft langt utanfor kommunegrensene.»**

3.

### **Kultur, idrett og frivillighet (amatørkultur, profesjonell kultur og frivillighet, større kulturarrangementer)**

I 2040 har Alver kommune eit rikt kulturliv, og et attraktivt kulturhus med tilbod til alle aldersgrupper og innan ulike greiner av kulturlivet. **Naturlig vertskommune for kulturarrangement som favnar breit?**

#### 4. Oppvekst, levekår og livskvalitet - tenesteyting frå kommunen, inkl digitale tenester (mi side, sjølhjelp etc)

##### Kva vi saknar i planen - delmål og strategiar

Styringsgruppa visar til merknader og kommentarar til punktene i skjema under, men vil trekkje frem punkter heilt overordna som vi meiner treng større fokus og meir plass i planen:

- Kultur – vi må være meir ambisiøs
  - Symjeanlegg
  - Kulturhus
  - Bibliotek
  - Alver som naturlig vertskommune for kulturarrangement som favnar breit. Storkultur – vil du arrangere noko? Vi stiller areal til disp.
- Kulturskulen vår – dennes rolle som samfunnsbyggjar bør forankrast mykje meir i planen
- Helsenærings - med flotte lokaler på helsehuset kan det være ein motor
- Fagskuleutdanning knytt til helsehuset og Mongstad.
- Helsetilbod og velferdstilbod

- Framtidas buformer, mangfald og variasjon - i framtida tenkjer vi kanskje heilt nytt om korleis vi buset oss, kan vi vere meir fremoverlent?
- Fritidsaktivitetar – det utvida kulturtilbodet
- Nærings – reetablering av ny næring i alle dei gamle næringsbygga våre
- Gode kvardagsliv → ein av dei beste bu og arbeidsregionane
- Fleire skal bu og arbeide i Alver - må kome tydelegere frem i planen. Dette inkluderer å sei meir om kompetansearbeidsplasser då dei ofte ikkje finn relevant arbeid i Alver i dag, kontorfellesskap osv.
- Gode fritidstilbod og møteplassar
- Alver som organisasjon – innbyggjarane og næringsliv får rask hjelp, digitale verktøy
- Skule må omtalast meir, både resultat og mobbing - målsettingen for 2040 må være at vi har blant dei beste skulane i Vestland. Utdanning og kompetanse
- Mongstad må, i tråd med justerte hovudmål, få høgare ambisjonar og mål.
- Reiseliv - ikkje nevnt, Alver må være ein tilrettelegger
- Biosfære, må utdypast meir i planarbeidet. Kva vi få til meir i eit biosfæreperspektiv? Bruk av avfallsmasser som ressurs, resirkulering av matjord med mål om at vi i 2040 får meir aktiv landbruksjord enn det som leggjast ned?
- Inkludering og integrering
- Fjella og naturen elles treng meir fokus som friluftsalternativ
- Tenester i heile kommunen

- Infrastruktur, breiband, fiber

### **Gjennomgang av administrasjons forslag til delmål**

Sjølv om styringsgruppa ønskjer fleire hovudmål har vi gått gjennom delmåla uten å no flytte delmåla over til eit nytt kapittel/hovudmål. Dette legg vi til grunn blir gjennomført i det vidare arbeidet.

---

---

Forslag til mål	Skildring	Slik når vi målet:	Endeleg mål
	<b>Hovudmål 1: Innbyggjarane i Alver lever gode kvardagsliv</b>		
<b>Delmål 1: Alver har levande lokalsamfunn med busetting i heile kommunen</b>	Alver kommune er ein stor kommune i areal med spreidd busetting, mange bygder og desentralisert tenestestruktur. Aktive og inkluderande lokalsamfunn gjer at folk etablerer seg og blir buande. Det skal vere gode lokalsamfunn i heile kommunen.	Alver kommune skal leggje til rette for LNF-spreidd i alle bygder Desentralisert tenestestruktur	

<p><b><u>Delmål 2: Knarvik er ein attraktiv bygdeby eit senter med attraktive gode tilbod, arenaer og møteplassar for heile regionen</u></b></p>	<p>Knarvik er regionsenter for ein region med over 40.000 innbyggjarar, i tillegg til å vere kommunesenter for Alver. Knarvik må utviklast til ein attraktive bygdeby med tilbod og tenester som naturleg høyrer heime i eit regionsenter. Eit attraktivt regionsenter kan tiltrekke seg nye innbyggjarar, og demme opp for handelslekkasje og pendling til arbeidsplassar i Bergen. Knarvik skal utviklast til eit urbant sentrum, der det er viktig å ta vare på natur- og friluftsområde i og rundt byen. Det må utviklast gode koplingar mellom sentrum, sjøen, og turterrenget i områda rundt. Desse kvalitetane er mykje nytta og høgt verdsett av innbyggjarar og tilreisande.</p>	<p>Knarvik skal utviklast til eit urbant sentrum, der det er viktig å ta vare på natur- og friluftsområde i og rundt byen.</p> <p>Alver kommune skal utvikle gode koplingar mellom sentrum, sjøen, og turterrenget i områda rundt.</p> <p>Knarvik skal utviklast til ein attraktiv bygdeby med tilbod og tenester som naturleg høyrer heime i eit regionsenter</p>	
<p><b><u>Delmål 3: Nye bustadar, handel, service og kontorarbeidsplassar er i hovudsak lokalisert i definerte senter</u></b></p>	<p>Alver kommune skal ha ein definert senterstruktur med region-, lokal- og nærsenter. Dette er senter som spelar ei viktig rolle i kvardagen til innbyggjarane, både for dei som bur i sentrumsområda og for dei som bur utanfor. I sentera skal innbyggjarane få dekka sine daglege behov og finne handel-, service- og tenestetilbod samla på ein stad. I tillegg skal sentrumsområda vere attraktive for bustad, jobb, oppleveling, skule og rekreasjon. Nærleiken til desse kvalitetane gjer at sentera blir ettertraka for innbyggjarar i alle livsfasar</p>	<p>Alver kommune skal ha ein definert senterstruktur med region-, lokal- og nærsenter.</p>	

<p><b>Delmål 4: Nærmiljøa i Alver fremmar deltaking, tryggleik og god helse</b></p> <p><b>Oppvekst, levekår</b></p>	<p>Nærmiljø og lokalsamfunn i Alver skal utviklast slik at dei inviterer til fysisk aktivitet, deltaking og sosial inkludering. Innbyggjarar skal føle seg trygge og inkluderte med tilrettelagt infrastruktur og gode møteplassar. Eit nærmiljø kan defineraast på mange ulike måtar og består av ulike arenaer og funksjonar, til dømes eit bustadfelt, ein leikeplass, skule, barnehage, kulturtilbod, trygge gang- og sykkelveger, fritidsaktivitetar, eit sentrumsområde, nærbutikken eller turstiar.</p>	<p>Nærmiljø og lokalsamfunn i Alver skal utviklast slik at dei inviterer til fysisk aktivitet, deltaking og sosial inkludering.</p>	
<p><b>Delmål 5: Innbyggjarane i Alver bur i trygge og gode bustader</b></p>	<p>Innbyggjarane i Alver bur i bustadar som har god kvalitet og er tilpassa eigne behov, ønske eller funksjonsnivå. Kommunen må vurdere bustadsosiale grep for dei som ikkje har moglegheit til å bu trygt og godt.</p>	<p>Alver kommune skal legge til rette for gode bustader for alle livssituasjonar i blanda bumiljø og med gode dele- og fellesskapsløysingar (framtidas bustadar)</p> <p>Alver kommune skal gjere bustadsosiale grep for dei som ikkje har moglegheit til å bu trygt og godt (Tomteselskapet)</p>	<p><b>Kva er trygge og gode bustadar?</b></p>

<p><b><u>Delmål 6: Born og unge i Alver har ein trygg oppvekst</u></b></p>	<p>Barn og unge i Alver skal ha eit oppvekstmiljø som sikrar ein trygg og god oppvekst. Kommunen og samfunnet skal jobbe målretta og med førebygging gjennom ulike tenester og på ulike arenaer, til dømes i barnehagar, skular, arealplanlegging og kultur- og idrettsorganisasjonar.</p>		
<p><b><u>Delmål 7: Innbyggjarane i Alver har ein meiningsfylt og aktiv kvardag</u></b></p>	<p>Innbyggjarane i Alver skal ha moglegheit til å fylle livet med aktivitetar som gir mening og skapar trivsel. Det er opp til kvar enkelt å definere kva som gir mening, men Alver har organiserte tilbod og uorganiserte arenaer som gjer at terskelen for å delta er låg. Deltaking i organiserte aktivitetar kan motverke utanforskap og bidra til fellesskap på tvers av bakgrunn og ulike skilnader. Innbyggjarane i Alver kan til dømes vere aktive i frivillige lag og organisasjonar, i tillegg til å glede seg over aktivitetar som turstiar, leikeplassar, badeplassar eller bibliotek.</p>		
<p><b><u>Delmål 8: Innbyggjarane i Alver skapar, opplever og deltek aktivt i lokale kultur- og idrettstilbod</u></b></p>	<p>Eit attraktivt, mangfaldig og inkluderande kulturliv skal vere ei drivkraft i utviklinga av kommunen og lokalsamfunna. I Alver skal innbyggjarane ha høve til å skape, oppleve og delta i gode lokale kultur- og idrettstilbod, der særleg barn og unge vert godt rusta til framtidas samfunnsliv.</p>	<p><b>Kulturskule – desentralisert</b></p>	

<b><u>Delmål 9: Frivillig sektor i Alver er mangfaldig og sterk</u></b>	Innbyggjarane i Alver er aktive i frivillige lag og organisasjonar, og dei frivillige er med på å skape aktive og gode nærmiljø. Frivilligheita skal blomstre på eigne premissar og skal bidra til fellesskap i heile kommunen. Dei frivillige og kommunen må ha eit tett samarbeid for å skape engasjement, utvikle gode lokalsamfunn, aktuelle tenester og tilbod til innbyggjarane.	<b>Frivilligcentral</b>	
<b><u>Delmål 10: Alver er rusta til å møte eit klima i endring</u></b>	Klimaet blir varmare og våtare over tid, og risikoen for ekstreme klimahendingar aukar. Alver skal planlegge, utvikle og drifta kommunen for å møte eit klima i endring. Kommunen skal ha beredskap for eit klima i endring og ta omsyn til dette i all planlegging, utbygging og drift.		
<b><u>Delmål 11: Alver er eit klimavenleg samfunn</u></b>	Alver kommune må ha klare ambisjonar for å bygge eit klimavenleg samfunn. Samfunnet og kommunen må satse på gjenbruk, sirkulærøkonomi, energieffektivisering, miljøvern og reduksjon av klimagassutslepp. Kommunen sjølv må gå framfor som eit godt eksempel på desse områda.		

<p><b><u>Delmål 12: Innbyggjarar i Alver nyttar klima- og miljøvenlege transportløysingar til skule, jobb og fritid</u></b></p>	<p>For å nå overordna klimamål må Alver utvikle kommunen slik at innbyggjarane i større grad kan gå, sykle og bruke kollektiv som transportmiddel til skule, jobb og fritid.</p> <p>Sidan Alver er ein stor kommune i areal, vil dette vere mest aktuelt i definerte senter. I tillegg er det viktig å satse på effektive og miljøvenlege transportløysingar mellom kommunen og Bergen sentrum. For mange innbyggjarar vil personbil vere einaste alternativ til transport, <del>og då er det viktig at kommunen byggjer ut infrastruktur for nullutsleppstransport i heile kommunen.</del></p>	<p><b>Båt</b></p>	
<p><b><u>Delmål 13: Alver sikrar naturverdiar og naturmangfold, og tek vare på verdifulle kulturlandskap, <u>landbruks-</u> og friluftsområde</u></b></p>	<p>Alver kommune tek grep for å sikre viktige naturverdiar og naturmangfold, og skal forvalte verdifullt landbruksareal, kulturlandskap og friluftsområde mot fysiske inngrep og utbygging.</p>		

<p><b><u>Delmål 14:</u></b> Innbyggjarane i Alver nyttar sjøen, kysten og sjønære område til fritid og rekreasjon</p>	<p>Alver er ein kommune med lang kystline og store sjøområde. Sjøen og kysten har ein stor verdi for innbyggjarar og besökande, og er viktige område for fritid og rekreasjon. Det er eit politisk ønske å sikre betre tilgang til sjøen og sjønære område for fritidsaktivitetar og rekreasjon, til dømes med tilrettelegging av areal og infrastruktur som kaiar, båthamner, badeplassar og friluftsareal. Det er også ønske om å utfordre nasjonal strandsonepolitikk for å kunne legge betre til rette for fritidsbustader, båtplassar og naust i sjønære område</p>	<p><b>Nyttar naturen, fjell – eige delmål(?)</b></p> <p><b>Strandsonepolitikk i arealprinsippa?</b></p> <p><b>Fritidsbustadar og bustadar</b></p> <p><b>Næring og fritid – kan dei sjåast i samanheng?</b></p> <p><b>Legge til rette for begge delar.</b></p>	
<p><b><u>Delmål 15:</u></b> Innbyggjarane er involvert i utviklinga av kommunen og dei kommunale tenestene</p>	<p>Alver skal vere ein føregangskommune når det gjeld dialog og medverknad med innbyggjarar. Innbyggjarane skal kunne påverke utviklinga av samfunnet og utforminga av kommunen sine tenester.</p>		
<p><b><u>Delmål 16:</u></b> Innbyggjarane i Alver opplever at dei får tenester tilpassa sine behov</p>	<p>Kommunen skal gje tenester tilpassa innbyggjarane sine individuelle behov. Tenestene må vere koordinerte og saumlause, og ulike aktørar skal samarbeide for å gje riktige tenester ut frå konkrete behov. Det er viktig at kommunen driv målretta kompetanseutvikling, som sikrar rett kompetanse i forhold til innbyggjarane sine behov.</p>	<p><b>I heile kommunen</b></p>	

<b><u>Delmål 17: Alver kommune nyttar ny teknologi, digitalisering og innovative løysingar i utvikling av tenester og organisasjon</u></b>	For å sikre effektive prosessar og tenester, skal Alver kommune bruke digitalisering, robotisering, automatisering og teknologiutvikling innafor dei område der det er tenleg.		
<b><u>Delmål 18: Alver kommune er ein attraktiv, trygg og utviklingsorientert arbeidsplass</u></b>	Alver kommune skal vere ein utviklingsorientert organisasjon. Medarbeidarar og leiarar tar ansvar for å utvikle kommunen, både tenester og organisasjon. Alver skal vere kjend for å ha eit godt fysisk og psykososialt arbeidsmiljø. Alver skal jobbe aktivt med å rekruttere kvalifisert arbeidskraft, og dei tilsette får brukt sin kompetanse og utvikla seg fagleg. I tillegg skal Alver jobbe systematisk med kompetanseutvikling for å kunne løyse nye behov og oppgåver. Kommunen skal også jobbe for at fleire tilsette kan ha heile stillingar.	<b>Alver kommune skal tilby heile stillingar</b>	<b>Alver kommune skal organiserast til beste for innbyggjarar, næringsliv og tilsette</b>
<b><u>Hovudmål 2: Næringslivet i Alver er innovativt og berekraftig</u></b>			
<b><u>Delmål 19: Næringslivet i Alver tar aktivt del i ny industriutvikling med fokus på sirkulærøkonomi, fornybar energi og digitalisering</u></b>	Scenarioanalysen for Nordhordland presenterer sentrale drivarar som er venta å påverke utviklinga av ny og framtidsretta industri i regionen. Desse drivarane er mellom anna sirkulærøkonomi, dekarbonisering, energitransformasjon, digitalisering og robotisering. Verksemndene i Alver har sterk industriell kompetanse og kan ta ei aktiv rolle innafor fleire av desse områda.		

<p><b><u>Delmål 20: Verksemdene på Mongstad og ved Fensfjorden er pådriver leiande nasjonalt tyngdepunkt for grøn industriell næringsutvikling</u></b></p>	<p>Scenarioanalyse Nordhordland har identifisert framtidige industriinvesteringar i regionen på over 24 milliardar kroner (inkludert batterifabrikk), med potensielt 4300 nye arbeidsplassar. Tyngdepunktet for desse investeringane ligg på Mongstad og ved industriområda rundt Fensfjorden. Mongstad og Fensfjorden har ein unik industriell kompetanse som er eit stort fortrinn for regionen, og dette området bør nyttast til å utvikle nye og grøne næringar. Det er anbefalt at kommunane rundt Fensfjorden utarbeider ein industriell utviklingsstrategi for Fensfjorden.</p>	<p><b>Omformulere delmålet – då dette er hovumålet?</b></p> <p><b>Skrive om teksten</b></p> <p><b>Bustadutvikling nær Mongstad</b></p>	
<p><b><u>Delmål 21: Arealintensiv næring ligg langs hovedvegnettet</u></b></p>	<p>Større næringsområde for arealintensiv industri og næring bør utviklast langs europaveg og sentrale fylkesvegar. For vidare utviding og utvikling av næringsareal, bør kommunen ha fokus på fortetting og utvikling av eksisterande næringsområde der det er tilrettelagt infrastruktur.</p>		
<p><b><u>Delmål 22: Næringslivet i Alver utnyttar potensialet for verdiskaping i sjø og kystnære område</u></b></p>	<p>Alver er ein kommune med lang kystline og store sjøområde. Dette er område som har eit potensiale for framtidig verdiskaping og næringsutvikling. Alver ønskjer å leggje aktivt til rette for ny og berekraftig næringsetablering knytt til sjø, kyst og kystnære område. Aktuelle næringar er mellom anna petroleumsindustri, skipsfart, havbruk, fiskeri, fornybar energi, reiseliv, hamn og logistikk.</p>	<p><b>OBS! Må ikkje slå i hel det andre punktet om strandsone, leggje til rette for begge</b></p>	

<b><u>Delmål 23: Næringslivet i Alver har tilgang til byggeklart næringsareal</u></b>	For å sikre ny industriutvikling er det viktig å ha infrastruktur der verksemdene kan etablere seg raskt, såkalla « <i>plug and play</i> ». Då er det viktig å byggeklare tomtar og tilrettelagt infrastruktur.		
<b><u>Delmål 24: Landbruksnæringa i Alver er konkurransedyktig og utviklingsorientert</u></b>	Alver er ein stor landbruk- og skogbrukskommune. Det er eit stort potensiale for å utvikle landbruket som næring med til dømes fokus på lokale produkt og lokal identitet.	<p><b>Skriv meir på tekst om utvikling</b></p> <p><b>Meir generelt</b></p> <p><b>Mål om å få landbruksareal i drift og utvikle det med fokus på dei lokale ressursane – gjenopne meir enn det vi legg ned - resirkulering/flytting av matjord - biosfære</b></p>	
<b><u>Delmål 25: Kommune, næringsliv, utdannings- og forskingsmiljø samarbeider om kompetanseutvikling og innovasjon</u></b>	Kommunen etablerer ikkje næring, men er ein viktig tilretteleggjar, pådriver og støttespelar. Kommunen må ha eit strategisk samarbeid med ulike aktørar som saman bidrar til målretta nærings- og samfunnsutvikling. Det bør også vere ei klar rollefordeling mellom aktørane, slik scenarioanalyse Nordhordland tilrår.	<b>Fagskule helse – knytt til helsehuset</b>	

<b><u>Delmål 26: Innbyggjarane i Alver nyttar attraktive kultur- og opplevingstilbod som er utvikla i samarbeid mellom næringsliv, dei frivillige og offentleg sektor</u></b>	Det må vere eit tett samarbeid mellom offentleg, privat og frivillig sektor for å utvikle Alver og Nordhordland som ein attraktiv region med ein sterk identitet. Aktørane bør samarbeide om prosjekt som kan gi regionen større attraktivitet, og aktuelle prosjekt kan til dømes vere kulturhus, basseng, sherpatrapp-prosjekt, friområde og dagstur/kystled.	<b>Stille offentlege areal til disp.</b>  <b>Vere på tilbodsida</b>	
<b><u>Bur og arbeider i kommunen</u></b>			
<b><u>Helse</u></b>		<b>Rekruttering</b>	
<b><u>Skule og bhg(?)</u></b>			
<b><u>Reiseliv</u></b>			
<b><u>Biosfære</u></b>			
<b><u>Utdanning og kompetanse</u></b>			